

賈子新書集解



廣益書局刊行



版權所有

中華民國二十五年五月出版

賈子新書集解

校勘者 王 心 湛

發行者 廣 益 書 局

發行人 周 健 人

總發行所 廣 益 書 局
上海河南路
一三七號

分發行所

廣州 南昌 萬縣
南京 宜昌 重慶
長沙 漢口 成都
北平 開封
廣益書局

(外埠酌加運費)

序

西漢文武之世有兩大儒焉曰賈子曰董子皆以經生通達治體者也二子之書世多有顧其善本絕少余不揣其固陋並爲校讎賴友朋之助先以賈子開雕旣成因爲之序其緣起曰班書藝文志儒家載賈誼五十八篇今世所行本其目祇五十有六然過秦有三篇而唯載上下兩篇又禮容語宋本分上下兩篇而本復不分故視漢志所載缺其其二篇隋書經籍志載賈子十卷錄一卷舊唐書志則云九卷其稱賈子則同新唐書志始稱賈誼新書其卷則十隋唐志俱同漢志列儒家至宋志乃妄生異見入之雜家此如劉子政推崇賈董比之伊管而其子歆則謂其父之言爲過何以異人所見不盡同顧若是哉陳振孫直齋書錄載賈子十一卷云首載過秦論末爲弔湘賦且略節誼本傳於第十一卷中其書非漢書所有者輒淺駁不足觀決非誼本書余謂此書必出於其徒之所纂集篇中稱懷王問於賈君又勸學一篇語其門人皆可爲明證但多爲鈔胥所增竄凡漢書所有者此皆割裂俱倒致不可讀唯傳職輔佐容經道術論

政諸篇在漢書外者古雅淵奧非後人所能僞撰而陳氏乃反謂其淺駁豈可謂之知言者哉此本十卷据宋本目錄增多過秦論中一篇定爲五十八篇中有其目而亡其書者二焉與漢志適脗合余亦未敢信然蓋容有出於後人之所分析者至其甚謬者則略爲刊正之已世每以文帝不能用賈生爲惜然生之言後多見之施行則不用而用已過畢矣在生宜可無恨以視夫其身尊榮顯赫而尺寸曾不得展者所得爲孰多乎哉余所校据兩宋本而誼所爲賦不在書中則非及陳氏所見者卷末傳非漢書本文今姑沿其舊後有復梓者終當全載孟堅之所撰爲得云

皇帝六巡江浙之歲三月舊史氏盧文弨書於杭東里之抱經堂

序

賈子者賈誼新書也奚稱賈子子之也賈子賈子作乎類賈子之言者作也漢興誼文最高古然誼陳說治理善據事實識要奧一一可措之行蓋管晏之儔焉故曰誼練達國體云誼文高古最者太史公業裁之入史記矣後人或摭其創草及他篇簡論說不忍遂捐棄於是類之稱書焉如過秦論太史公業裁入之矣褚先生又取其餘附之後今爲三篇云亦有一事一義而二三篇或二篇而雜之一如治安策攬截無復緒理可尋乃其宏識巨議故皎皎如日星如江河地中不得掩沒之矣此書宋淳熙間嘗刻潭州淳祐間又刊修焉時已稱舛缺及刻本失士夫家轉鈔一切出吏手吏苦其煩也輒任減落其字句久之眩或踰行竄其字句重複訛之士夫者又靡之校也故其書愈舛缺不可讀宏治間都進士穆得此書於樂平喬公刻之京師已復有翻刻者顧仍舛缺也予今刻則略校之矣然卒莫之質補之也麟甲鳳毛僅存見於世者此耳幸邪悲

賈子新書集解 序

四

邪賈子十卷共五十八篇內亡其三篇明正德八年歲在癸酉冬十一月北郡李夢陽撰寓白鹿洞書院

序

余昔承乏選部時偶於京國書肆中得賈太傅新書鈔本凡若干卷余手披目覽口誦心惟始而駭終而不知神與之接融融漾漾不知旨之樂之歎之於是乎乃知太傅之生值漢室初造光嶽氣完之時通乎天人精微之蘊窮乎歷代治亂之故洞乎萬物榮悴之情究乎禮樂刑政之端貫通乎仁義道德之原故正言竑議卓卓乎其奇緯悠悠乎其深長鑿鑿乎其有援據如江河盪灑而莫測其涯也如風霆變化而莫見其迹也如雲霞卷舒出沒晦靄千態萬狀而莫可名言也世之稱近古者亦在是矣所宜珍重不啻若湯盤周鼎而毋敢忽耳正德甲戌余致政家居長沙郡守陸公以誼謫于長沙去今千有餘歲國朝旣崇祀享之禮但傳長沙時所著新書獨無傳焉乃檢閱郡齋故牘中得版刻數十片計其脫落尙多因詢于予予卽出是本補刻遂成完書屬予爲序予惟太傅高世之才殆出天縱漢劉向稱其通達國體雖古之伊管未能遠過班史痛不用但謂其天年蚤終雖不致公卿未爲不遇誼過長沙作賦以弔汨羅而太

史公傳於屈原之後明其若屈原之忠而遭棄逐也宋歐陽公謂其所陳孝文略施其術猶能比德于成康況用於朝廷之間坐于廊廟之上則舉大漢之風登三皇之首猶決壅裨墜爾蘇公論其爲王者之佐如其所言雖三代何以過此數公者故有定論誠毋容加喙於其間顧其書之在霄壤中上則爲德星爲慶雲下則爲朱章爲醴泉光景常新而精神不虧亙萬古猶一日奈何自宋淳熙辛丑提學漕使程公版刻之後三百餘禩僅得一陸公補輯殘缺爲書再行是何寥寥知賞之難也非惟嘉惠後學廣其見聞以資博識愼而擇之而立身行己之道亦寓焉中間如鑒秦俗之薄惡指漢風之奢儉請定經制述三代之長久深戒刑罰明孤秦之速亡譬人主之如堂所以優臣子之禮置天下于大器所以示安危之機凡憂民傳職官人大政等篇皆經濟之大略又有國與天下者之所當鑒也郡守公名相字良弼宏治癸丑進士累官南京吏曹郎中英名偉績有所自也政尙平恕有古循吏風今觀是益可見其知所擇而其蘊畜之富未可量也故不揆愚陋僭書于端以識歲月云正德九年菊月吉旦賜進士出身嘉議大夫都察院右副都御史長沙黃寶序

賈子新書集解目次

過秦上	一	階級	二四
過秦中	三	俗激	二七
過秦下	五	時變	二九
宗首	七	瑰瑋	三〇
數事	八	孽產子	三二
藩傷	一一	銅布	三三
藩疆	一二	壹通	三四
大都	一二	屬遠	三五
等齊	一四	親疏危亂	三七
服疑	一五	憂民	三八
益壤	一七	解縣	三九
權重	一九	威不信	四一
五美	一九	匈奴	四一
制不定	二一	勢卑	四七
審微	二二	淮難	四八

賈子新書集解 目次

八

無蓄	五一	遺緒	八七
鑄錢	五二	六術	九〇
傅職	五四	道德說	九二
保傅	五六	大政上	九七
連語	六〇	大政下	一〇一
輔佐	六二	修政語上	一〇五
問孝闕		修政語下	一〇九
禮	六四	禮容語上闕	
容經	六七	禮容語下	一一三
春秋	七二	胎教	一一六
先醒	七六	立後義	一二〇
耳聾	七九	傳	一二二
諭誠	八一		
退讓	八二		
君道	八四		
官人	八五		
勸學	八六		

賈子新書集解

過秦上 事勢

秦孝公據崤函之固。擁雍州之地。君臣固守。以窺周室。有席卷天下。包舉宇內。囊括

四海之意。並吞八荒之心。當是時也。

潭本無也字

商君佐之。內立法度。務耕織。修守戰之具。

潭本

從史記作備

外連衡而鬪諸侯。於是秦人拱手而取西河之外。孝公既沒。惠文武昭襄王。

案襄王衍下云

始皇奮六世之餘烈。張晏數孝公。惠文王。昭王。併後孝王。莊襄王。爲六世。史記陳涉世家不談而始皇本紀則作惠王。武王。潭本亦同。

蒙故業。因遺策。南取漢中。西舉巴蜀。東割膏

腴之地。北收要害之郡。

史記無北字

諸侯恐懼。同盟而謀弱秦。

史記同作會

不愛珍器重寶肥饒之地。

以致天下之士。合從締交。相與爲一。當此之時。

潭本無之字

齊有孟嘗。趙有平原。楚有春申。魏

有信陵。此四君者。

潭本君作賢

皆明智而忠信。寬厚而愛人。尊賢重士。約從離衡。

建本作連衡。非今從潭本與始皇本紀合

兼韓魏。燕趙宋衛中山之衆。

建本脫兼燕楚齊趙與始皇本紀同

於是六國之士。有寧越徐尚。蘇秦杜赫之

屬。爲之謀主。

史記無主字

齊明周最。陳軫召滑。

始皇本紀作昭滑。潭本同

樓緩翟景。蘇厲樂毅之徒。通其意。吳起

孫臏。帶陀倪良。王廖。田忌。廉頗。趙奢之朋。制其兵。

史記朋作倫

嘗以什倍之利。百萬之衆。

潭本從陳涉世

家作師

仰關而攻秦。

始皇本紀作叩關。譚本作扣關。小司馬謂仰字是。

秦人開關延敵。九國之師。遂遁而不敢進。

遁與巡同。建本尚不誤。譚本則

從始皇本紀。訛本作逡巡。遺逃案。陳涉世家。但作逡逃。亦誤。

秦無亡矢遺鏃之費。而天下諸侯已困矣。於是從散約解。爭割地而

賂秦。秦有餘力。而制其弊。追亡逐北。伏尸百萬。流血漂漚。因利乘便。宰割天下。分裂山

河。彊國請伏。

史記服作服。

弱國入朝。施及孝文王。莊襄王。享國日淺。

譚本享國下有之字。與陳涉世家合。

國家無事。及

至始皇奮六世之餘力。振長策而御宇內。吞二周而亡諸侯。履至尊而制六合。執犒朴

以鞭笞天下。

本皆作敲。朴案小司馬云。賈本論作犒。朴今從之。

威振四海。南取百粵之地。

譚本作百越。下同。

以爲桂林象郡。百粵之

君。俛首係頸。委命下吏。乃使蒙恬北築長城。而守藩籬。卻匈奴七百餘里。胡人不敢南

下而牧馬。士不敢彎弓而報怨。

陳涉世家作實弓。小司馬云。實音烏。還又不如字。謂上弦也。

於是廢先王之道。燔百家之言。以愚

黔首。墜名城。殺豪俊。收天下之兵。聚之咸陽。銷鋒鋦。

譚本鋦作鑄。音義同。始皇本紀作鑄。鑄。

鑄以爲金人十二。以

弱天下之民。然後踐華爲城。因河爲池。據億丈之高。臨百尺之淵。以爲固。

史記作據億丈之城。臨不測之谿。譚本淵

亦作谿。

良將勁弩。

譚本下有而字。

守要害之處。信臣精卒。陳利兵而誰何。天下已定。始皇之自以爲

關中之固。金城千里。子孫帝王萬世之業也。始皇既沒。餘威振於殊俗。然而陳涉

譚本無而字。

戩牖繩樞之子。氓隸之人。

譚本氓作氓。

而遷徙之徒也。材能不及中人。

譚本作中人。

非有仲尼墨翟之

賢。仲尼別本作仲弓案荀子常以仲尼子弓蓋即軒臂子弓也或云仲弓即冉雍天子許其南面此所稱者是也仲尼亦或轉據史記本改之耳陶朱猗頓之富躡足行伍之間俛起阡

陌之中。潭本作而掘起與始皇本紀同陳涉世家作俛仰又阡陌與漢書同史記並作什伯率疲弊之卒。潭本作率罷散之卒同史記將數百之衆轉而攻秦。史記轉而倒

斬木爲兵揭竿爲旗天下雲合響應。潭本合下有而字贏糧而景從山東豪傑並起而亡秦族矣。

潭本傑作俊又有一達字且夫天下非小弱也雍州之地崤函之固自若也陳涉之位非尊於齊楚韓趙

韓魏宋衛中山之君也鉏耰棘矜不敵於鈎戟長鍛也。潭本不敢作非銛始皇本紀作鏃與銛同謫戍之衆非抗

九國之師也。潭本非抗下有於字同史記深謀遠慮行軍用兵之道非及曩時之士也。潭本作鄉時同史記然而成敗

異變功業相反也。潭本也上有何字試使山東之國與陳涉度長絜短。潭本作擊大比權量力則不可同

年而語矣。然秦以區區之地致萬乘之勢。始皇本紀無致字作千乘之權陳涉世家作致萬乘之權序八州而朝同列百有餘

年矣。陳涉世家序作抑始皇本紀作招漢書同又有字潭本無然後以六合爲家崤函爲宮一夫作難而七廟墮。潭本作器身死人

手爲天下笑者何也仁心不施而攻守之勢異也。仁心潭本作仁義與史記同又無而字案小司馬亦似作仁心

過秦中

事勢 建本作過秦下諸本多同案小司馬云過秦論以孝公已下爲上篇秦兼并諸侯三十餘郡爲下篇據此則此爲中篇明矣宋潭州所刻賈子作過秦中今依用之

秦滅周祀并海內兼諸侯南面稱帝以四海養。句天下之士斐然嚮風若是何也曰

近古之無王者久矣。周室卑微。五霸既滅。令不行于天下。是以諸侯力政。政讀爲征強凌弱。

衆暴寡。兵革不休。士民罷弊。今秦南面而王天下。是上有天子也。卽元元之民。冀得安

其性命。潭本無得字莫不虛心而仰上。當此之時。專威定功。安危之本。在於此矣。秦王懷貪鄙

之心。行自奮之智。不信功臣。不親士民。廢王道而立私愛。焚文書而酷刑法。先詐力而

後仁義。以暴虐爲天下始。夫并兼者高詐力。安危者貴順權。推此言之。取與攻守不同

術也。潭本無推字之字攻字案攻字衍文可刪秦雖離戰國而王天下。潭本離作併其道不易。其政不改。是其所以取之也。

孤獨而有之。上句史記作是其所以取之者異也潭本同今從孤獨而有之卽是不知守之道與取異兩句當合讀今徒建本故其亡可立而待也。潭本無字也借使秦王

論上世之事。並殷周之迹。以制禦其政。後雖有淫驕之主。猶未有傾危之患也。故三王

之建天下。名號顯美。功業長久。今秦二世立。天下莫不引領而觀其亡。按上言始皇無道必不能保其後嗣故天下咸計日

而知二世之必亡下言二世若能盡改無道之政則亦何至遽亡此又是一意潭本從史記作莫不引領而觀其政雖亦可通然於上文卽少收斂今故從建本作亡意林引作政當亦因史記改夫寒者利短褐。而飢者甘糟

糠。天下囂囂。新主之資也。建本作短褐今從潭本改囂囂作治此言勞民之易爲仁也。意林仁嚮使二主有

庸主之行。而任忠賢。庸主建本作康主誤臣主一心。而憂海內之患。縞素而正先帝之過。裂地分民。

以封功臣之後。建國立君。以禮天下。虛囹圄而免刑戮。去收孥污穢之罪。使各反其鄉

里發倉廩散財帛以振孤獨窮困之士。振近代多用賑字此從史記輕賦少事以佐百姓之急約法省刑

以持其後使天下之人皆得自新更節循行各慎其身塞萬民之望而以盛德與天下

息矣。潭本依史記疊天二字建本無即四海之內皆歡然各自安樂其處惟恐有變雖有狡害之民。潭本作狡猾

無離上之心則不軌之臣無以飾其智而暴亂之姦弭矣二世不行此術而重以無道

壞宗廟與民。徐廣云壞宗廟與民史記一無此五字更始作阿房之宮繫刑嚴誅吏治刻深賞罰不當賦斂無度

天下多事吏不能紀百姓困窮而主不收卹然後姦僞並起而上下相遁蒙罪者衆刑

僂相望於道而天下苦之自羣卿以下至於衆庶。羣卿史記作君卿潭本同人懷自危之心親處窮苦之

實咸不安其位故易動也是以陳涉不用湯武之賢不藉諸侯之尊奮於大澤而天下

響應者其民危也故先王者。史記無者字見終始之變。潭本作始終知存亡之由是以牧之以道。潭本依史記作

牧民之道務在安之而已矣。潭本矣作天屬下句與史記同下雖有逆行之臣必無響應之助故曰安民可與爲

義而危民易與爲非此之謂也貴爲天子富有四海身在於戮者正之非也。潭本作身不免於戮者正傾非

是二世之過也。

過秦下此從賈子本說見前

秦兼諸侯。山東三十餘郡。循津關。據嶮塞。譚本補作修繕甲兵而守之。然陳涉率散亂之衆。

數百。奮臂大呼。不用弓戟之兵。鉏耰白梃。望屋而食。橫行天下。秦人阻嶮不守。關梁不

閉。長戟不刺。疆弩不射。楚沛深入。譚本沛作師戰於鴻門。曾無藩籬之難。於是山東。譚本有大援二字諸

侯並起。豪俊相立。秦使章邯將而東征。章邯因其三將之衆。要市於外。以謀其二。二疑當作貳譚

本從史記作上或以二爲古文上字改之耳羣臣之不相信。可見於此矣。子嬰立。遂不悟。譚本立下有而字借使子嬰有庸主

之材。而僅得中佐。山東雖亂。三秦之地可全。而有宗廟之祀。宜未絕也。譚本作宗廟之祠未當絕也秦地

被山帶河以爲固。四塞之國也。自繆公以來。至於秦王。二十餘君。常爲諸侯雄。此豈世

賢哉。其勢居然也。且天下嘗同心并力攻秦矣。然困於嶮岨而不能進者。豈勇力智慧

不足哉。形不利。勢不便。建本且天下嘗下有昔日二字係衍文今依史記去之又俗間本有當此之世賢智並列其將行其師賢相通其謀時困於阻險而不能進秦乃延入戰而爲之開關百萬之徒逃北而遂壞一段四十六字在此然困

於嶮岨而不能進者之上是後人以史記之文贅入之史記無後然困於嶮岨十字今此有之名再入史記一段竊矣譚本但全錄史記之文亦失其舊今故一從建本下亦同秦雖小邑。伐并大城。得阨塞而守

之。史記作秦小邑并大城守險塞而軍高壘毋戰閉關據扼衙戟而守之譚本險作阨毋訛訛再餘同史記諸侯起於匹夫。以利會。譚本作合非有素王之行也。其交

未親。其名未附。名曰亡秦。其實利之也。彼見秦阻之難犯。譚本有也字必退師案土。息民以待

其弊。承解誅罷。以令國君。建本作退陳案土陣字訛案史記作安小司馬云賈誼書作案則建本是也譚本下作收弱扶罷以令大國之君俱依史記不患不得意於海內。

貴爲天子。富有四海。而身爲禽者。揀敗非也。

潭本康上
有其字

秦王足已而不問。遂過而不變。二

世受之。因而不改。暴虐以重禍。子嬰孤立無親。危弱無輔。三主之惑。終身不悟。亡不亦

宜乎。當此之時。世非無深謀遠慮知化之士也。

潭本無謀
遠三字

然所以不敢盡忠拂過者。秦俗

多忌諱之禁也。

拂與弼同潭
本也無字

忠言未卒於口。而身糜沒矣。故使天下之士。傾耳而聽。重足而

立。闔口而不言。是以三主失道。而忠臣不諫。智士不謀也。天下已亂。姦臣不上聞。姦臣不上聞。

同本

豈不悲哉。先王知壅蔽之傷國也。故置公卿大夫士。以飾法設刑而天下治。

飾讀
臣字潭

強也。禁暴誅亂而天下服。其弱也。五霸征而諸侯從。其削也。內守外附而社稷存。故秦

之盛也。繁法嚴刑而天下震。及其衰也。百姓怨而海內叛矣。

潭本怨下
有望字

故周王序得其道。

史記作五序小司馬云賈誼
書五作王今建潭本皆相合

千餘載不絕。秦本末並失。故不能長。由是觀之。安危之統。相去遠矣。

鄙諺曰。前事之不忘。後之師也。

潭本後下
有事字

是以君子爲國。觀之上古。驗之當世。參之人事。

察盛衰之理。審權勢之宜。去就有序。變化因時。

因史記作有
潭本作應

故曠日長久而社稷安矣。

宗首事勢